

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Catalogus Lectionum Hiemalium

Gymnasium

[Durlach], 1715

[urn:nbn:de:bsz:31-4134](https://nbn-resolving.org/urn:nbn:de:bsz:31-4134)

15
42

CATALOGUS LECTIONUM HIEMALIUM,
 Quas
 DEO ANNUENTE,
 AUSPICIIS
 SERENISSIMI PRINCIPIS AC DOMINI,
 DOMINI
 CAROLI,
 MARCHIONIS BADENSIS & HACHBERGENSIS, LANDGRAFII
 Saufenburgensis, Comitis Spanheimensis & Ebersteinensis, Dynastæ in Rötelen,
 Badenvveiler, Lähr & Mahlberg &c. &c. S. Cæsareæ & Regiæ Catholicæ Majestatis
 Generalis Campi Marchalli, ut & Circuli Suevici rei tormentariæ Generalis Præfecti, & Legionis
 pedestris Chiliarchæ &c. &c.
 DOMINI CLEMENTISSIMI, NUTRITORIS MUNIFICENTISSIMI,
 IN ILLUSTRIGYMNASIO DURLACENSI
 PUBLICE DOCENTES
 EA QUÆ PAR EST DILIGENTIA URGEBUNT.

JO. JACOBUS EISENLOHRIUS, *Consil. Eccles. Theol. Polem. Prof. Diocæs. Durlac. Superintendens, & ad Div. Stephani Pastor*, in tractatione Controversiarum Theologicarum nobiliorum, non neglectis recentioribus, aliquot abhinc mensibus inchoata, cum Deo pertracturus, à Loco de Creatione, hora II. ad III. Operam quoque dabit, ut prælecta, contracta postea in Theses, singulis septimanis disputando ventilentur.

JO. LUDOVICUS BOYE, *Gymnasij Rector, Philosophiæ & Theologiæ Professor*, quæ ad se pertinent, divina gratia secundante, studiose diligenterque curabit. Cum ergo præterito semestri *Geometriæ* ac *Trigonometriæ* fundamenta, secundum Tabulas B. JO. CHRISTOPHORI STURMII, *Philosophiam* item *Rationalem* ad duædam *Logicæ* Electivæ SAMUELIS GROSSERI, fidei suæ conceditis, solícite inculcaverit; nunc *Arithmeticam* tum *numerofam*, tum *literalem*, una cum primis *Algebræ* elementis diebus Lunæ & Martis hora III. ad IV. nec non *Ontologiam*, usibus Theologicis applicatam, juxta Institutiones *Metaphysicæ Sacræ* JUSTI WESSELI RUMPEI diebus Mercurij, Jovis & Veneris hora VIII. ad IX. pari dexteritate tradet, quibus ad finem perductis, *Succinctam Historiæ Philosophicæ delineationem* JO. FRANCISCI BUDDÆI Viri Cl. uberioribus discursibus, jucundis pariter & utilissimis illustrabit.

In *Theologia Thetica* diebus Lunæ Martis & Saturni hora VIII. ad IX. non minus strenue perget, & cum præliminares in KÖNIGIO Locos jam absolverit, id omni cura & diligentia aget, ut integram sanorum verborum hypotyposin discursibus & examine perpetuo, suos hoc semestri doceat Auditores.

Privatim vero hora VI. ad VII. vespertina scita *Juris naturalis*, quæ Elementis *Philosophiæ Practicæ* modo laudatus Dn. D. BUDDÆUS inseruit, rite interpretabitur: singulisque diebus Mercurij & Saturni hora II. ad IV. *Gymnasij* alumnos *disputando* exercebit. Sed nec deerit publice ex *Philosophia* aut *Theologia* disputare volentibus, nec in alijs pro ratione officij ac temporis facile destituet petentes.

JO. CASPAR MALSCHIUS, *Pro-Rector Elog. Poet. Histor. & Græc. Lingue Professor*.
 I. In Elog. Lat. Orat. Cic. pro Milone, d. Lunæ, hor. IX. rhetorum more explicabit. 2. Stilum, idest, Chrias & Epistolas propositas d. Jovis & Veneris eadem hora corriget.

II. In Elog. Germ. d. Martis hor. IX. ex Oratoria speciali exempla Orationum Specialium proponet.

III. In Poësi Lat. d. Jovis, hor. III. alternis nunc Virgilii *Æneid*; libr. VII. evolvat; nunc in threnodia *Jeremiæ Elegiacæ* vel alio genere carminis vertenda perget.

IV. In Poësi Germ. viva voce præbit, quo pacto singuli sensus in numeros ac rhythmos redigi debeant.

V. In historia universali, Mediam explicabit d. Lunæ, hor. I.

VI. In Græcis d. Jovis, hor. I. perget in Phocylidis *Admonitorio*, & *Isoerateæ Pæzænesi*, D. Veneris, hor. I. stylum Græcænicum emendabit.

VII. In Collegio stili perget, neque interim exercitia oratoria tum trimestria, tum semestria desiderari patietur.

GEORGIUS FRIDERICUS SCHUSTER, *J. U. L. Advocat. Ordin. & Professor*.
 Quum communi Suffragio Virorum Doctorum omnium, plurimum momenti in eo positum sit, ut in quavis disciplina & eruditionis genere, fundamenta ritè jacentur, hinc instanti semestri prima elementa sive *Institutiones Juris*, Auditoribus suis primum generaliter delineabit, id quod paucis Lectionibus fiet, deinceps singulos Titulos ad Examen HOPPII *pevitius* enucleabit hora I. ad II. die Mercurij & Sabbathi in hoc destinata.

JO. WASMUTH, *Prime Class. Præc. Linguæ Hebrææ Superiorum Auctoritate docere* jussus, ita futuris mensibus hyemalibus in eâ cum Dnn. Studiosis linguam hanc sacram amantibus versabitur, ut præcepta Grammatices vel ad doctum *Celeberrimi DANZII*, vel alius, prout e re Auditorum fuerit, summa brevitate proponantur & explicentur; sic tamen, ut neque nimia brevitate necessaria omitterentur, neque nimia prolixitate non necessaria immisceantur, utque adeo jactis intra breve spatium fundamentis in offenso pede ad ipsius *Sacri Codicis* lectionem & analysin fieri possit progressus. Cæterum ea utetur methodo, ut, si ita placuerit Dn. Auditoribus, quæ proposita fuere, instituto subinde examine, breviter repetantur. Tribuentur autem huic studio singulis hebdomadibus 3. horæ, n. die Martis hora I. usque ad II. pomerid., & diebus Mercurij ac Saturni hora IX. usque ad X. antemerid.

DURLACI A. O. R. MDCCXV. die XXI. NOVEMBRIS.

Literis Theodori Hechtij, Typ. Aul.

(1745)